

永樂大典

卷二千四百一

永樂大典卷之二十四百一

六模

蘇

蘇邁

姓氏通華蘇氏三子邁雄州推官知瀛州河間縣邁子符紹興年禮部尚書

蘇過

高陽是說之僕墓誌銘邁末通直郎字叔黨東坡先生之子子也母同安郡君王氏元祐五年先生知杭州叔黨年十有九歲

以詩賦解兩浙路禮部試下七年先生為兵部尚書任右承務郎明年先生出帥定武即謫知英州繼貶惠州安置三年遷儋耳安置既四年漸徙廉州未州居住邈乎萬死不測之險也獨叔黨侍先生以往來其初為嶺外之役時叔黨方居母喪有以動塗人涕泣者或曰先生南居而樂焉非也先生憂國愛君之心日加備省而齋結則何敢樂惟是叔黨於先生飲食服用凡生理晝夜寒暑之所須者一身百為而不知其難翁孫則兒孫之翁孫則兒孫之翁賦詩著書則兒更端起拜之為能須史樂乎先生者也其初至海上也為文一篇曰志隱致於先生前先生攬之曰吾可以安

永樂大典卷之二十四百一

於島夷矣先生因欲自為廣志隱以極窮通得喪之理焉嘗命叔黨作孔子弟子別傳則固有以處其子矣當是時叔黨之風使蠻夷瘴若可以語禮義而中癘噬毒莫為之疾病雖有欲殺吾親者亦無以措其斧斤其傳而北也滯然起天下父子之性則叔黨之自處者如何哉先生不至永州稍還住板居陽羨不幸疾不起叔黨兄弟得吉地於汝州郟城縣之小峨眉山以窆事遂家於穎昌叔黨偶從湖陰營水竹可賞者數畝則名之曰小斜川自號曰斜川居士以示終焉之志曰吾本即從先大夫於地下則生也何事為泯泯浮沈里巷或特一至京師自得醉醒而徜徉一世之外所遇者與談靡不傾盡遺次大嘯詭浪間節槩存焉惟有知之者知之也且若世未嘗有小人也孰非士君子也哉使叔黨以其屋岫喚桴溟渤之純孝而一旦忠盡於九德俊乂之朝則先生之立言者叔黨之切業也惜乎不及使人有見於此而暴疾以卒於鎮陽行道中年五十有二時宣和五年十二月乙未悲夫諸葛孔明初不得中所志而躬耕南陽卒亦崎嶇躬耕巴蜀也幸而有子曰瞻可以肆所志而無邦家以容瞻則赴魏軍而死耳嵇叔夜之志氣尤異而曾不得一席以全其軀而子紹身血亦何益於邦家古之父子有如此忠孝兩全而可恨者天胡不壽吾叔黨於威

# 永樂大典

卷二四〇一

世一振發之邪叔父樂城公每稱其孝以訓宗族且言吾兄遠居海上無他成就此兒能文也有斜川集二十卷其思子臺賦颺風賦則早行於世而書畫之勝亦克肖似先人人稱之曰小坡任官之日少於閑居時且多艱初監太原府稅次知潁昌府郟城縣皆以法令罷免晚權通判中山府無幾何以事如鎮陽為娶范氏蜀忠文公之孫承事郎百嘉之女男七人齋藉節及輩遂望女四人長適將仕郎常任俠孫男二人嶠峴其葬以七年四月辛酉墓在先生北之東南齋等以說之有奕世之好辱在先生為賢中求銘不敢辭 銘曰文安先生之知人雖乎其為子也東坡先生之事君其為之子者又亦不易也孔子弟子傳之不成尚何慰也先生稱吾此兒若不娶必得道嗚呼有青乎得道者得以道茲世也後之人觀蘇氏世世不失令名繁然文墨之外也揮塵錄宣和中叔黨游京師寓居景德寺僧房忽見伏行家者同一小橋至傳音宣召亟令登車叔黨不知所以然不敢拒才入則以物障其前惟不設頂上以小涼傘蔽之二人肩之其疾如飛約行十餘里抵一修廡內侍一人自上而下引之升一小殿中上已先坐披黃背子頂青玉冠宮女環侍莫知其數弗敢仰窺始知為崇高莫大之居待當六月積水如山賁香若煙霧寒不可忍俯仰之間不可名

永樂大典卷二十四百一

二

狀起居早上喻云聞卿是蘇軾之子善畫窠石適有素壁欲煩一掃非有他也叔黨再拜承命然後落筆消史而成上起身縱觀賞歎再三命台人捧觴醕酒一鍾鈔香極淫拜謝而下後循廊間登小輿而出亦不知經從所歷何地但歸來如夢後如癡也明允云王明清揮塵後錄蘇過東坡先生之子也翰墨文章能世其家士大夫以小坡目之靖康中得倖真定赴官次河北道過綠林脅使相從叔黨曰若曹知世有蘇內翰乎吾即其子肯隨爾輩求活草間邪通夕痛飲翌日視之卒矣惜乎世不知其此節也趙本之云老學菴續筆記叔黨宣和辛丑歲得隙地於許昌之西湖葺為園亭是年叔黨甫五十嘗曰陶淵明以辛丑歲遊斜川而詩云開歲忽五十是吾與淵明同甲子也今吾得園之歲與淵明遊斜川之歲適同因以小斜川名之或者謂叔黨家本川人而在元祐邪籍故自名斜川恐不然也

## 蘇遲

亦城續志遲眉山人字伯充門下侍郎撤之子官至戶部侍郎建炎己酉自婺女避地臨海子簡偕來遊天柱山寺有詩見天

台續集 姓氏述華子由因卞氏故居改卜其廳事迺甚有柴氏廳三間售三百萬錢而力不足遲曰因卞氏舊而易其允子孫賢師吾儉子由賦

因萬

### 蘇符

紹興正論符字仲虎元祐禮部尚書弼長子適之子也建炎三年自選人特改右宣教郎擢國子監丞紹興中為夔路提點刑

獄公事五年賜同進士出身除司勳貢外郎改司封郎官兼資善堂贊請七年除秘書少監八年遷太常少卿以建國公請尚書終秩減唐勳年符建議將采景靈宮回孟朝獻請北附國朝諒除故事於行在設位分命大臣行禮時徽宗及顯肅后相繼上仙而景靈神御寓温州故也符又言徽宗顯肅未聞諱日乞惟以闋哀之日依祖宗忌辰行香皆從之符又言今歲當行祫禮而在諒闇之內乞用熙寧故事移就來年孟冬從之除起居郎有旨免試除中書舍人陞兼翊善奏檜議以王倫為國信使計議使而以符副之符稱疾不受九年二月遷給事中符言已分七兵玠軍馬乞免對雖等錢上曰四川自兵興以來橫斂既多民不堪命可令胡世將張深相度錫減以蘇民力充金國賀正旦使先命官其家一人尋除禮部侍郎九月詔汝州郟城縣故資政殿學士蘇軾墳寺以徑賢廣惠為名以符授范鎮家賜利例有請故也符至東京會莫將繼來與虜議不合因之涿州

水樂大典卷二十四百一

三

事後變虜人拒不納符乃還十年除權禮部尚書翊善如故俄兼侍讀先是宋汝為自北境間行投獄飛軍中飛遣赴行在汝為具言虜情且曰今和議雖定計必背盟不可以遽絕武備奏檜聞之不樂符力言于上遂添差汝為處州通判仍遣一官初趙鼎請建資善堂選朱震范仲為翊善贊請奏檜言於上曰鼎欲立皇子是待陛下終無子也及晉安郡王既正名下禮院討論進封典禮與大臣所議不合十二年符與吳表臣等七人坐不詳具祖宗典故專任己意懷姦附麗罷提舉江州太平觀起知遂寧府符有田在蘇因留居之檜不樂遣符還蜀十六年除敷文閣待制二十四年知饒州二十五年秦檜欲令符進職上曰符弼之孫與恩數甚善因言符初質和議甚力後遂變其說遂除本閣直學士尋從舉崇道觀二十六

年知  
邛州

### 蘇籍

紹興正論籍字李文贈資政殿學士弼切子過之子也紹興十年九月以右承事郎為太常寺主簿填復貫闕初建國公既開

資善堂而崇國公據尋赴資善聽讀已而建國封晉安郡王命有司討論典禮十二年二月有旨吳表以蘇符陳楠方雲翼丁仲京王晉蘇籍坐不

詳具祖宗典故專任己意懷姦附麗並罷二十五年四月除荆湖南路提點刑獄公事

### 蘇元老

宋史列傳元老字在廷幼孤力學長於春秋善屬文賦論

堅見而奇之曰此蘇氏之秀也舉進士調廣都簿歷漢州教授西京國子博士通判彭州政和間宰相喜聞邊西南帥臣多啖誘近界諸族使納土公置郡縣以為功致茂州蠻叛帥司遠下令招降元老嘆曰威不足以服則恩不足以懷乃移書成都帥周焘曰此蠻跳梁山谷間伺間竊發伏之所長我之所短惟施黔兩州兵可與為敵若徵數十人使倍道往赴賢於官軍十萬也其次以為夔陝兵大集先以夔兵誘其前陝兵從其後不十日賊必破彼降而我定焉則威懷之道得今不討賊既招而還必復叛不免重用兵矣焘得書即召與計事元老又策茂有兩道正道自濕山起長平絕嶺而上其路險以高間道自青崖關越刀溪循江而行其路夷以徑當使正兵陣濕山而陰出奇兵擣刀溪與石泉并刀合攻賊腹背受敵擒之必矣焘皆不能用竟得罪後師至如元老策蠻勢感乃降除國子博士歷秘書正字時作少監比部考功員外郎尋除成都路轉運副使為軍器

永樂大典卷二十四百一

四

監司農衛尉太常少卿元老外和內勁不妄與人交梁師成方用事自言為賦外子因緣欲見之且求其文拒不答言者遂論元老蘇軾從孫且為元老稱說其學術議論頗傲軾轍不宜在中朝罷為提點明道宮元老歎曰昔顏子附驥尾而名顯吾今以家世坐累榮矣未幾卒年四十七有詩文行于時元一統志元老外和柔中實勁正中官梁師成自謂軾遺腹子欲見之先使人求其文元老不與士君子稱之王明清揮塵餘話元老東坡先生之從孫自幼即卓然東坡許之元符末入大學東坡已度海每與其書委曲詳盡宣和中歷館職郎曾奉常言者論其宗元祐學術罷為官觀而謝未遇云念昔黨人偶同高祖士大夫頗少之張文忠云

### 蘇峴

宋韓元吉南湖集朝散郎秘閣修撰江南西路轉運副使蘇公

墓誌銘蘇文忠公以文章冠天下士大夫稱曰東坡先生而不姓也中興渡江始諸孫有顯者其二曾孫隔在許昌相繼來歸才望未未著見天子識而用之一曰嶠字季真歷諫省給事黃扉待制顯謨閣次則公也諱峴字叔子兄弟一特馳名其任海陵縣丞日故參知政事錢端仁以吏部侍郎宣諭淮東薦之曰蘇軾為宋儒宗爵不配德而峴才識操履

紳有典刑願加甄錄庶可敦風俗激士氣賜對垂拱殿言合上意命之曰爾四世祖集太常因革禮者也其主簿太常寺在職逾年嘗論考課法乞赴選之官具前任五事簡平允之士以為廷尉平第知縣之闕為數等以選能者將遠大理正以女弟之喪祈使親養朝廷以為太府寺丞而待其次既而外舅曹丞相陳長民部引嫌易將作監丞因輪對則曰治道貴持久也常人之情恨不成於頃刻陛下勿以小利而忽大計急近效而防速圍也語益切至人以為難知邵州數月丁內艱掌船貨於閩趙丞相維為樞密又薦之上曰朕記其面也召見曰卿可謂清苦有立矣除吏部郎卿于太府由福建轉運副使移江西上復念之曰東坡之孫惟峴有家法在宜與職名執政未及擬詔亮秘閣修撰然後知公之東於聖衷蓋久也而公舊苦肺疾以天兄逾戚連歲屢作淳熙之十年也六十有六矣病旬餘卻醫藥不肯視曰東坡之年止此吾何德似之屏筆如程卿而逝十二月七日也將葬諸子以銘為請予與公既故且親同里閭共庚申也其何可不銘公為人清澹寡欲氣正而言直在官以廉居家以儉接朋友以信義恬不務進取故自奉常辭正而易丞由寺而移監未嘗一以介意方曾丞相當國每以正倫物之人不謂其子婿也竟以嫌引去其設舉福建市舶

永樂大典卷二十四百一

五

前嘗有以歲市乳香增數授貼職者公之增至三十八萬斤不肯自言選朝主吏部右選武臣類不知書所理多不得伸公恣意直之或得召保任而行吏莫敢肆在太府同詳定初令過邊官輒顰蹙不怡累日曰用既踰分矣祿不及親何益也蓋公實文忠公李子斜川公諱過之孫諱益之子季真為母兄其還自北方而文忠仲嗣無後以諸父之命後之從祖侍郎公逢郊恩任公祖諱迨朝散郎尚書駕部員外郎妣安人歐陽氏考諱賈將仕郎累贈朝奉大夫妣太恭人范氏始文忠愛陽美山水買田欲居僅數百畝屋數楹也而家於許昌至離亂駕部即世歐陽夫人始居陽美大夫早世妣復守志公奉二夫人盡禮無違歐陽夫人既終公以孫服喪益治其生事而范夫人一女甚愛納壻與公同居三十年舍以正寢而已造室于西偏雖百錢斗粟非夫人之命不擅取予也閩門雅睦人所歎美初為益城縣益場罷舊例之不可仍者自以家貧買小舟歸場史始知有上下之分謀以充羨及丞海陵都督府下淮南帥司市為概公定價公釐為三等帥謂可損公曰為求諸民擾矣况重損其直乎公代去縣竟鹽戶率錢為贖公恣拒謝之特郡方以事聞公俸闕是愧而選公相使之不謹多以私市珍貨為利公則自食物外一不以市今丞相謀公異第與司為

永樂大典

卷二四〇一

隣嘗和公詩戲曰只恐歸無荔子園言公雖荔枝不肯圖畫以歸也公學  
 有家法喜賦詩自童稚出語已警拔晚淳淡不事雕飾有綺語編僅三卷  
 曰此吾以適意也特夢與羽客唱詠飄然有出塵之想其論事於朝則重  
 縣令之選且言人材所以濟治功求之則是用之或非與徒史能吏之辨  
 析錫兩淮早荒三年之稅又言軍將子弟耻武技而尚文墨緩急無可用  
 乞令統制官於部曲各舉所長上甚嘉納曰文武一道東坡詩固有云也  
 請罷州縣市令司遂行於天下文武提點刑獄不兼置後亦行之上嘗問  
 邵州瀕溪洞當用武臣與否公言文武惟所擇然州縣之與溪洞接者法  
 當禁僧道技術遊士往來食鹽官亦置場貿易令稍弛矣願嚴之其將赴  
 船司上詢以船商事則曰不敢以道路之言欺陛下也俟至部講究以聞  
 議者歎公忠實既還始奏二事以鑿貨售於一路而勿徇於置司之地船  
 務官通於四選而必經任者皆見納太府市藥材於雜買務得不以時公  
 曰藥以治病茲實惠及民者也請用舊法市於外或監司郡官不得以私  
 意易置縣令閩之漕計以鹽災而州縣積負公奏除十餘萬緡江右俗號  
 蕞訟公為條目揭道周有投牒不應法令皆拒斥之其語頑而貌狠者面  
 諭以理往往愧謝而去訟亦為省平居誨諸子以履踐為先詞章次之嘗

永樂大典卷二十四百一

六

曰忠孝本也不務本而事文所謂書畫是已娶曹氏贈恭人先二十年卒  
 男六人栢迪功郎嚴州桐廬縣尉格以繼李真而大石以繼侯先奕世迪  
 功郎監行在省倉下界極將仕郎栢杞皆刀進士欲自奮公有道澤相避  
 而未承也公之教為可知矣女一適施孫男五孫女六栢哥以明年十  
 二月庚申葬公宜興縣芙蓉山南平之原且以曾恭人栢馮或州則云曾  
 恭人大栢子姑兆不升樂也為之銘曰嗚呼東坡夷夏知名况其子孫  
 且有典刑典刑伊何見於三世季真叔子實令兄弟季固顯矣公僅九卿  
 廉以薦躬孝以事親澹然而和介然以清學非嗜書志在力行自其少年  
 亦以詩鳴嗚羨之濱吾祖有田進退裕如若將終焉其逢允時其命則天  
 凡今之賢豈不富貴公雖未極視以弗愧尚其後昆克紹其門基隧有碑  
 公亡  
 若存

蘇嗣之

歸潛志許州有蘇嗣之者云東坡後裔蓋子由久居穎川  
 有族不南渡者也其人頗姦險富於財以貨入官交結權  
 要短衣女直中士大夫多以為笑以其肥碩也呼為蘇非余嘗與雷希顏  
 談及之雷曰頗聞夜墮水中之說乎余對不知也雷曰昔東坡生一夕自

山草木盡死今蘇肝生一夕  
鄰村水牛盡死也此可大矣

### 蘇恊

宋江少虞類苑恊蘇易簡父恊蜀中舉進士性滑稽易簡任翰林學士恊為京府掾特親王為尹母所出父子冠帶晨起恊詣府易簡入禁中恊笑謂人曰父參其子子朝其父斯事亦倒置矣初恊為汝州司戶易簡通判蘇州書與易簡曰吾在汝汝在兵吾思汝汝知之乎其好談諧如此成都志恊為陵州推官子易簡主官舍中易簡父死不能歸左綿倫居于此受業于貢士費禹吐嘉熙末經兵燹以前宅尚存綿州志恊父寓唐州頗孫至左綿喜其地物爽潤遂迎父喪葬鹽泉之清溪因家籍為子易簡易直

### 蘇易簡

宋史列傳易簡字太簡梓州銅山人父恊舉蜀進士歸宋累任州縣以易簡居翰林任開封府兵曹參軍俄遷光祿寺丞卒特贈秘書丞易簡少聰悟好學風度奇秀才思敏贍太平興國五年年踰弱冠舉進士太宗方留心儒術貢士皆臨軒覆試易簡所試三題十餘言立就奏上覽之稱賞擢冠甲科解褐將作監丞通判并州遷左贊善大夫八年以右拾遺知制誥雍熙初以郊祀恩進秩祠部員外郎二年

永樂大典卷二十四百一

七

與賈黃中同知貢舉有詔凡親屬就舉者籍名別試易簡妻弟崔範匿父喪充貢奏名在上第又王千里者水部員外郎爭之子恊為爭門生千里預薦上聞坐範及千里罪易簡緣是罷知制誥以本官奉朝請未幾復知制誥三年充翰林學士初易簡充貢宋白掌貢部至是裁七年易簡初特隨父河內賈黃中來使嘗教之屬辭及是悉為同列易簡連知貢舉陳克充承旨先是曲宴將相翰林學士皆預坐梁迥啓太祖罷之又皇帝御丹鳳樓翰林承旨侍從升樓西南隅禮亦廢至是易簡請之皆復舊制易簡續唐李肇翰林志二卷以獻帝賜詩以嘉之東都事略曰紙尾批云許意美卿居清華之地也易簡頗以所賜詩刻石昭示無窮上後為真筆行三體書書其詩命侍詔吳文貴刻之因召賜群臣帝嘗以輕綃飛白大書玉堂之署四字令易簡勝於臆額東都事略曰太宗曰此本為翰林中一美事易簡曰自有翰林未有如今日之榮也三年正月甲申命翰林學士承旨蘇易簡等同知貢舉既受命徑赴貢院以避請求後遂為常制易簡會韓任舉士安李至等往觀上聞遣中使賜宴甚盛至等各賦詩以紀其事宰相李昉等亦作詩頌美之太宗人草書宋玉太言賦賜易簡易簡曰擬

賦以獻其詞曰。皇帝以白龍。賜書大言賦。賜玉堂詞。且易簡。御筆。瑄。惟  
訓洋洋。壞時傳述。不可備。詳。詔。易簡。升。故。竹。指。其。理。且。歎。宋。王。之。奇。怪。也。  
因。伏。而。奏。曰。根。宋。王。不。得。與。陛下。同。特。帝。曰。噫。何。代。無。人。耶。卿。為。朕。官。之。  
臣。易。簡。拜。手。稽。首。曰。聖。人。與。兮。否。成。功。登。崑。崙。兮。展。升。中。地。為。廉。兮。贊。祖。  
宗。天。起。霜。兮。調。玉。鑄。日。為。月。九。權。文。明。也。參。旗。井。越。展。武。衛。也。枕。北。斗。兮。  
真。玄。酒。也。削。西。華。兮。為。石。城。也。飛。雲。涌。靈。騰。瑞。煥。也。鵬。脂。鯨。膺。代。柱。也。  
退。雷。三。登。山。神。中。也。流。電。三。激。堆。大。舉。也。禮。再。獻。兮。淳。風。運。君。百。拜。兮。三。  
神。歡。四。特。一。周。兮。萬。八。千。年。泰。山。融。兮。滄。海。乾。測。孟。元。兮。方。與。宰。君。王。壽。  
兮。無。窮。為。特。致。上。皆。呼。為。歲。太。宗。覽。而。嘉。之。他。日。易。簡。直。禁。中。以。水。試。歌。  
器。上。空。聞。之。因。晚。朝。問。曰。卿。所。玩。得。非。歌。器。耶。易。簡。曰。然。江。南。徐。邈。所。作。  
也。命。取。試。之。易。簡。進。曰。臣。聞。日。中。則。昃。月。滿。則。虧。器。盈。則。覆。物。盛。則。衰。願。  
陛下。持。盈。守。成。慎。終。如。始。以。固。丕。基。則。天。下。幸。甚。會。郊。祀。充。禮。儀。使。先是。  
唐。蒙。建。議。以。宣。祖。升。配。易。簡。引。唐。故。事。請。以。宣。祖。太。祖。同。配。從。之。知。審。官。  
院。言。初。任。京。朝。官。未。嘗。歷。州。縣。不。得。擬。知。州。通。判。詔。可。改。知。審。刑。院。依。掌。  
吏。部。選。遷。給。事。中。參。知。政。事。特。趙。昌。言。亦。參。知。政。事。與。易。簡。不。協。至。忿。爭。  
上。前。上。皆。優。容。之。未。幾。昌。言。出。使。劍。南。中。路。命。改。知。鳳。翔。府。明。年。易。簡。亦。

以禮部侍郎出知鄧州移陳州至道二年卒年三十九贈禮部尚書易簡  
外雖坦率中有城府由知制誥入為學士年未滿三十屬文初不建體要  
及掌誥命頗自刻勵在翰林八年眷遇夔絕倫等或一日至三召見率沈  
後入在易簡下先參知政事故以易簡為承旨錫賚均為太宗遵舊制且  
欲稔其名望而後正台輔易簡以親老急於進用因亟言時政闕失遂參  
大政蜀人何光遠易簡之執友也嘗任縣令坐賂削籍流寓京師會易簡  
典貢部光遠代人充試以取貲易簡於個人中屏出之光遠遂造謗書斥  
言朝廷事且譏易簡易簡得其書以聞逮捕光遠獄具坐棄市易簡以程  
光遠非其意居常怏怏母薛氏以殺父執切責之易簡泣曰不謂及此易  
簡罪也及易簡參知政事召薛氏入禁中賜冠帔命坐問曰何以教子成  
此令器對曰切則未以禮讓表則教以詩書上顧左右曰真孟母也非此  
母不生此子矣賜白金千兩十一月參知政事蘇易簡數採舉翰林中故  
事前為承旨時上待若賓友及參大政每見上不復有款接之意但嚴顏  
色責吏事而已易簡乃悔其求進之速也至道元年參知政事蘇易簡罷  
為禮部侍郎以張洎多攻其失也易簡性嗜酒初入翰林謝日飲已微醉  
餘日多沉湎上嘗戒約深切易簡垂涕再拜翌日復具表稱謝上親批荅

以中獎勸且草書初酒二章以賜令對其母請之自是每入直不敢飲或  
休暇在筭賓客候之則已醉矣及卒上曰易簡果以酒死可惜也易簡惟  
尚古雅善筆劄尤善談笑旁通釋典所著文房四譜續翰林志及文集二  
十卷歲於秘閣三子曰宿曰壽曰耆大中祥符間皆錄之以官云江少虞  
類苑易簡在禁林八年寵待之深莫出奔等李相注人玉堂後於公一旦  
先除參政以公為承旨齊賜與參政等蘇不甚悅上謂公曰朕欲正舊典  
先合用御即止台宰然庶欲令御延厚壽基稔育問望乃先用流卿宜無  
嫌蓋知其齡促也公以母老急於進用乾明聖節進內道場醮步虛十首  
中有玉堂臣老非仙骨猶在丹臺望泰階上志其意俾參大政未幾遂卒  
年三十九嗟悼為之洒涕賜挽詞斷句云特向玉堂尋舊迹八花傳上日  
空長之玉堂清話 易簡一日直禁林侍江南徐邈所造欵器遂以水試  
於玉堂小墻傳宣於公見之不識其名因密奏既曉太宗召對問曰卿所  
玩者得非欵器乎公奏曰然坐取進之於使坐上親試之其於水或增損  
一絲許器則隨欵合其中則欵然不搖上嘆曰真聖人切誠之器也公奏  
曰願陛下執大寶神器持蓋守成皆如此器則王者之業可以與天地同  
久上徐笑謂公曰若履之容酒得此器以節安有沉湎之過也蓋易簡嗜

飲過中故託此規之易簡泣謝慙佩上親撰欵器銘及草書誠酒詩以賜  
為易簡為學士最被恩遇初與賈黃中李沆同特上擢黃中沆叅知政事  
以易簡為中書舍人充承旨並賜白金三千兩諭旨曰朕之待卿非必執  
政而為重矣上作五七言詩各一首賜之為真草行三體刻於石又飛白  
書玉堂之署四字以賜本院今竊於堂南門之上易簡以御三體書石本  
分遣秘書監李至及從祖脩撰江陵公洎梁周翰知制誥柴成務呂祐之  
錢若水王旦真秘閣潘慎脩翰林侍書王著侍讀呂文仲等凡十五人及  
召至等宴于翰林以觀神筆之迹上遣內司供擬坐客賦詩宰相李昉等  
亦以詩貽易簡易簡悉以奏御上謂昉等曰易簡以卿等詩來上有以見  
儒墨之感而學士之光也可別錄一本進入以其本賜易簡楊文公該元  
雲齋廣錄易簡罷參政為禮部侍郎知鄧州日年未及強仕而其心邑鬱  
有不勝閒冷之歎鄧州有一老僧猶處郊寺頗通儒典亦特時為詩有可  
觀者蘇公贈詩曰憔悴二卿三十六與師氣味不爭多未幾而卒蓋大臣  
出處亦事之常蘇公一出遂有憔悴之言無異于賈誼之在長沙為賦以  
自悼非特數之使然亦其志不能自廣耳潼川州考完圖經志易簡狀元  
及第仕至給事中參知政事侍中徐鉉稱公之孝誠可以表率天下為人

# 永樂大典

卷二四〇一

子者為學可以勸勵天下後進者好尚可以矯激天下偷薄者言行可以  
儀刑天下有位者當世以為知言淳化中拜翰林學士御書玉堂之署四  
字勝之曰美卿居清華之地也名勝酒謂易簡曰君且十載曾對曰忠孝  
一生心上喜慈以金器賜之姓氏遂華蘇協梓州銅山人為隆州推官生  
易簡官舍有虹入室井泉潤易簡字太簡母薛氏潼川志蘇易簡字太簡  
本縣之鹽泉人國史云銅山人舊記云鹽泉舊隸潼川後多以涪城今隸  
縣州攷地理志唐武德三年析縣之魏城置鹽泉大曆十二年以縣之涪  
城隸潼川則鹽泉未嘗隸潼川也國初貢士上者之令木嚴就他郡貢者  
謂之寄應蓋蘇中令之試禮部由梓州貢為今訪其遺跡於銅山皆無之  
而其上世墳墓宗族皆在鹽泉之蘇谿得中令之父侍郎協所作祖司馬  
墓碑及中令孫湖州長史舜欽所述父祖家傳乃知舊記之誤也司馬墓  
碑略云上世官於蜀樂左綿山水奇秀宗族居焉家傳略云司馬諱寓  
字適之頌八代孫善屬詞賦尤嗜左氏春秋班固漢書樛局宏放不喜苛  
屑父為銅山令終于官貧不能歸葬長安負骨詠壙成都至任於蜀時孟  
氏政狹小公心陋之乃上三書上言威文任以豪英輔導王室嗟強扶弱  
隱令寄政之術中述執政大臣無連略尸祿楊歲之弊下言閹禁不嚴兵

永樂大典卷三十四百一

十

革不利將兵者非其才召見給筆劄坐之殿庭出策使對自朝及夕問答  
五返蜀主褒賞翌日敕門下補誅官執政忘其疏誣奏詔遂闕御史阿旨  
劾以非詆朝廷後劔州司馬公杖果之官劔州刺史貪贖公數諫刺史怒  
公置手版于城而去徧遊名山遇勝輒留至左綿尤喜其地物矣涪遂葬  
親青溪占數鹽泉居焉後公疾疾將終謂協曰蜀曆將謝必歸火運王汝  
亦不大耀於此吾樂茲土尤好青溪山林况先塋在焉我死當葬巨相蔭  
下亦帶占且王乃後遂以附先兆侍郎諱協字未微免乳夫母幼從司馬  
公口授所誦書數年皆通熟年十五丁父艱既葬卒制往成都以文謁薛  
欽侍御薛器異之授館門下曰吾館士多矣無若蘇卿者其操行明潔所  
學博大貌相豐下固當有後它日以女歸焉薛公女即河東太夫人也廣  
政十八年公試春官中首科解褐擢彭州遷合州幕職陵州判官陵守范  
公趨成都公領郡事再歲王帥伐蜀寇益搶攘城陷于賊吏卒解散公獨  
儒服坐正寢以待賊入拜於庭其渠曰公以善及我曹我曹今能護公族  
於安處某官某吏苛且濫已亦之矣俄有騎至庭者賊渠斬之號曰敢有  
犯蘇公者知之自是家人安堵王師至盜散公出官寺俟命詔復之踰年  
三朝既至授懷州法曹在任十年又為理曹改河南戶曹雍熙三年中令

召入翰林為學士上章乞移中都以便養詔授光祿寺丞開封典曹召見賜五品服淳化元年卒優詔贈秘書丞非常制也後以中令貴贈刑部侍郎二子中令及易直中令諱易簡字太簡侍郎長子生於蜀之導江太平興國五年舉進士太宗便坐臨試移時成文上覽稱善詔升殿問鄉族公手未灑落音對詳與太宗曰古稱秦蜀才子可抗山東將宜其敗諸生也翌日果名居第一解褐授將作監丞通判昇州就加太子右贊善大夫召選授右拾遺知制誥賜五品服雍熙三年召入翰林為學士淳化三年有事南郊充禮儀使先是圓丘合祭惟宣祖配公以為太祖受命遠來乃弗侑神上疏引唐永徽中高祖太宗同配事詔嘉之遂為定制四年以翰林學士承旨給事中遷參知政事至道元年罷為禮部侍郎出典鄧州移陳州薨以子貴贈特進中書令子耆字國老幼奇偉王文正公見而奇之奏文召試賜進士及第累遷大理寺丞奉使契丹遷遷兵部員外郎工部郎中直集賢院充京東河東陝西轉運孫弁欽字子美少以父蔭補官舉進士中第改光祿寺主簿知蒙城縣丁父憂服除知長垣縣遷大理評事監在京樓店務狀貌奇偉慷慨有大志工為文章以范文正公為名試得集賢校理監進奏院祠神用市故紙錢會客被劫為自盜除名乃携妻子居蘇

永樂大典卷二千四百一

十一

州數年復得湖州長史子泌液漱金堂樊公汝霖跋其家傳略曰子美有文集十卷行世歐陽文忠公序之謂斯文金玉也棄擲埋沒棄土不能銷蝕其見遺于一時必有收而寶之於後世者今考其集不載家傳唯寶元二年嘗誌其先公墓其叙司馬侍郎大略與傳同至乃祖則云贈太師尚書令意傳當作於誌前作傳時猶贈特進中令至寶元則累贈太令此必然者然傳不見錄于集何哉豈所謂棄擲埋沒不見錄于當時遂為所逸歟按鹽泉三學院碑元豐二年泌以殿中丞通守益昌曰院僧法懿其宗從也往見之遂授以此傳泌子美之子父子間足以證矣

**蘇耆**

宋蘇子美集先公墓誌銘并序 蘇耆之附城昆吾受封而姓出焉其後周司寇忿主徙食河內漢將軍建起杜陵武葬武切

世遂名其籍隋唐之際多偉人六葉之內四至大丞相襲封邳許文憲公之曾孫傳素廣明亂以其孀避蜀主三子檢孫振孟還相唐仲以果羅官至容管經略使唐命李劉巖奄南海獨完固不與巖容氏于今祠之李留為銅山令即我先公之高祖也先公諱耆字國老曾祖寓劍州司馬夫人龔氏父協中進士中科任陵州判官孟氏朝京師調懷州司寇參軍雅熙中召對授光祿寺丞知開封府兵曹事累贈刑部侍郎大玉母薛氏封

河東郡太夫人皇考易簡太平興國中首登進士第才十年遂參大政贈  
太師尚書令母崔氏封廣平郡太夫人公生七齡以父任宣節校尉左千  
牛備身俄加振武副尉踰年太令堯恩授通直郎秘書省正字未冠謁文  
正王公旦公器之以息女歸章聖帝即位改奉禮郎既冠舉進士時試條  
至嚴兩中優等廷較不得在高第詎所素志解焉後一年以文奏御詔試  
玉堂賜及第東封轉大理評事從祠汾陰遷丞錫緋衣銀魚出知湖之烏  
程以文正公當國凡五載未嘗求代遠時吳粵大水平原行舟既涸農盡  
以失畔訟公按籍收判質悉履邑田書而揭之狡豪宿隱適以給下戶夫  
職者民樂興頌無復訴群投制置使陳公克忠薦充判官改殿中丞任終  
知開封縣既省政惡民物之薄且多貴人善田宅操勢威豪奪無告一切  
以法繩之皆帖帖使首不敢相干犯因上書曰京師諸夏本根宜為化首  
令流風甚微且竊耻之謹條七事以聞遷太常博士三司戶部判官是歲  
以諫議大夫充契丹國信使將行太夫人寢疾公露奏辭未報夫人棄  
平居廷議以名業北走不可易公哀慟感疾還上信幣曰將死請遂改命  
終喪復除三司判官明年轉尚書祠部員外郎知明州郡有湖號廣德古  
鍾水以溉旱唐李壞漏不補披為田公復而浚之防四百里自是境無凶

年郊慶叙階拜朝奉大夫歸朝換度支充長寧接伴使亦既久判戶部案  
召入考進士第優詔使契丹初出疆每舍必作詩山漠之險易水薦之美  
惡儼然盡在歸而集上之人爭布誦出為京西轉運使賜三品服就改兵  
部又加直集賢院踰年移使河東兩河荐丁旱蝗所在艱食公悉行屬部  
不專計利務以息民為急汰冗兵罷非業之作代之庾陳不能飼軍始庶  
者皆指獵聚噪欲扇為變有期矣公遽往馬列校先為首以訴徐語之曰  
國之儲非久何以備凶若不食腐將誰食之爾見殍尸指指道上曾不得  
是而生耶命拘而鞫之以語稱其帥卒不敢動遣工部郎中藉田叙勳至  
上柱國移使陝西未幾洛守移來求粟賑其飢公計調二十萬斛輸焉察  
不可曰邊宜實之移中以自速因非謀也公曰且民繫于君無內外思知  
其垂死亡可不以奇羸脈之他日苟無餽期不諉君以是遂定景祐二年  
正月十有二日得疾華憐徧及而不逮翌日夜漏下二刻終于位春秋四  
十九嗚呼哀哉以先公之德之才天資誠敏而不避其年填於中仕利不  
布天下使有志於時者嗟病而憤涕也孤舜元等慟泣血扶衛我公之  
靈輿歸上都考至龜得寶元二年十月二十七日之吉葬于開封縣半輔  
鄉中書村之先感舜欽切嘗戲祖母之几下聞語公初能言太令持愛之

始令誦詩必自題頌果之上。瑜侍占數十百篇。果終不食。八歲侍官。據鞍吟詠不廢。編而置於楮中。大令察取視之。駭其辭。致前撫首而命以名。又用是以字之。明年罹大令喪。至性過人。號慟不絕。聲行路。為之哀傷。公雅好觀書經史。禪說手鈔者數十卷。無不盡誦。所著詩錄三篇。問談錄五卷。次翰林志。續文房四譜。并文集二十卷。並藏于家。公六居內外。計未嘗建言聚斂。有語逸利者。輒卻之。襟度軒朗。不屑細務。處事若不施慮。其間無不妙。當所至。必尉為才器。未始索吏。雖無狀者。能使謹前不犯。患性鍾孝友。喪于太夫人。體形瘠枯。杖而後能興。每臨必絕。以弟叟久沒。銓調上書乞輟官。出之。嫁二孤。姪墮。所以資送不足。又舉倍息錢。必豐後。已平居。宴宴以圖史自愉。雖家無宿儲。終不及資產事。尤壽終。水部郎中。二弟宿終大理評事。叟終溧陽令。夫人雅尚博素。不喜與遊侈者相從。專以孝承嚴姑。禮彌先公。二十有八歲。封太原縣君。明年召見。賜冠服。出入中掖。進謁有矩。子舜元大理寺丞。知開封府。咸平縣。奔欽。光祿主簿。知長垣縣。奔賓。光祿主簿。知太原縣。俱登進士第。得以旣升。不為家羞者。蓋積是訓。厲使去怠傲。而自進立。女三人。長適大理評事。雅扶次適太常寺太祝韓維。次切孫。十人。淵渾注。洞餘幼。嗚呼。昊天不弔。下此酷凶。尚賓賓。徇禮經。

以嗣祭為大。苟延喘息。不獲躬執。杖履倚于九原。已至于今矣。忍復以鄙略不倫之詞。上識宰壤。靜念古人述先。或以為孝。况斯言不敢誣。傳可後信。雖不足闡揚我先公之輝光。庶盡人子之志焉。爾銜此巨創。綴之銘云。世之望公。於鏘嚴考。清風角張。兮立於稚妙。學根源兮。不務剽。造次之言兮。卒蟠於道。擢節義以貫中兮。誠精光而外烁。寒哉不騰。高齡兮。神於何而能勞。瘁諸孤兮。攀靈基而莫劬。號蒼蒼之高兮。曷餘家之不造。心膺兩裂兮。血下涂於野草。周隰外。華兮。浚渠旁。繞。哀哀我公之靈兮。寧此佳兆。皇朝類苑。蘇耆脈。洛耆為轉。運於京東。移河東。陝西。景祐中。洛陽大旱。穀貴。百姓飢殍。京東運司無以為賑。洛陽留守移書者。求粟二十萬斛。耆移文陝西。府依數與之。仍奏於朝。同職謂耆陝西。沿邊之地。屯軍甚多。若有餘。止可移之以資邊鄙。奈何移之別路。耆曰。天災流行。春秋有郵鄰之義。生民皆繫於君。無內外之別。奈何知其垂亡。而不以奇贏賑郵耶。苟有饋運者。當自謀。必不以相累。朝廷甚嘉之。

**蘇叟**

蘇子美集故溧陽令蘇府君墓銘并序。季父諱叟。字蟠叟。先太令之少子。免乳而太令薨。既冠。猶褐衣。大中祥符初。授太

永樂大典

卷二四〇一

廟齋郎選岳州華容尉閩州閩中主簿陝府平陸令杭州錄事參軍江寧府溧陽令所歷未嘗有過謫然數命少會知己者輒死竄不及薦天聖末先公任兵部員外郎嘗上書曰臣聞手足偏廢是謂為疾人生之苦莫此為甚臣有隱痛顛切如之天高聽卑伏暨垂閔臣先父早以才業擢列近輔未及強仕奄淪盛期嘗有治命不令以遺劄任子故臣之弟叟冠為白丁祥符行慶始補太廟齋郎自爾效官十有三考蹉跎頽髮泪嗚寒餓賤位所求自拔無由每一疾中如伏泥瘞臣今幸以年績例當改秩欲乞以所奉新恩回授叟一京官伏望皇天厚地哀憫此懷以開格罷運之溧陽任終貧不能族歸為家京口入選得疾刃判試不知格不得調氣益夫衛結泣來于胃胃不防飲溢於膚絡之下血化而并既亟舟公還家而終享年四十五時景祐三年七月十日也嗟乎本朝執政子未有在銓調者又何獨湮塞若是之久邪世皆悲憐之季父亦不甚病嘗語人曰天地氣數差變不可一其間才而厄於無津則無不為每出門逢者十八九不吾追一二愈者為足動哉故常故意杯酒不喜聞關於進取之地娶周吳孀三夫人皆無子女嫁陽翟主簿楊組以寶元二年十月二十七日歸葬開封縣宰輔鄉鳳池原先祖北下銘云神之司禍福是宜吾先力善季父何奇

永樂大典卷二十四〇一

十四

什於賤仕雖世之遺嗣覆而大豈神宜為周號而冥其誰賴之噫呼已而奈何乎哀思

蘇舜元

宋蔡端明集蘇才翁墓誌銘 才翁諱舜元其先自漢興屬國武莽武功其後周邛公隋房公唐許公文憲四相世

居不遠文憲之後曰傳素避廣明亂西入蜀其子振仕蜀為梓州相山余劍州司馬寓司馬生贈刑部侍郎諱協是為曾祖考其配薛氏進封河東郡太夫人刑部生祖考贈太師尚書令兼中書令諱易簡終禮部侍郎祖妣崔氏廣平郡太夫人禮部生皇考贈工部侍郎諱耆終尚書工部郎中直史館娶王氏金城縣太君太尉文正公之女生三子皆有才名而才翁最長七歲能為歌詩文正公愛且奇之奏授同學究出身調蔡州興平主簿移尉越之新昌特詔復唐十一科而新令門選者不得與焉君乞還所貢官以應詔不得報乃上所著文章召學士院試賜進士出身明道中主開封之扶溝薄畿內飢甚君欲發廩以賑之其令畏縮輒移病君即出東以活飢者用舉任者改大理寺丞服工部喪外除知開封咸平縣咸平聚兵以萬計軍中旦閱卒有狀大校之虐已者方持弓矢輒怒罵眾口牽連一營驚譁君聞之至其所眾惶泣且訴君因叱罷之因飲射至暮明日易

其軍校而流其唱為驚眾者遷殿中丞移知眉州眉山會西夏元昊寇延  
 安君條上禦賊方略知府事吳公遵路為其才除通判某州事賊酋李興  
 歸命遵州廉之而上其事踰時事未下君因言其賊來者且厚其資用迷  
 寵借以驅除之至者李興輩反為國虜必已悔且元昊慘毒而其偏校  
 雖畏之其心豈易服從哉若餌以厚賞必相引而至并陳攻守利害十二  
 事以聞以太夫人愛去守尋以當京東排岸司改太常博士三司使王公  
 任君三司司當公事出為荆南路提點刑獄未行易福建路汀州民王審  
 啟王先至死以賊蓋覆得不敗且三年矣君至即捕按尚書屯田員外郎  
 王稷為部將治窮其事發王先屍驗其傷猶然以歲久為請君特奏殺之  
 又遷尚書祠部員外郎移京西未幾又移河東以弟齊欽謫死湖州求江  
 淮一郡得揚州未至改兩浙凡四皆為提點刑獄君益謹職頗果御真卿  
 之後流寓温州君索其祖告身家謀推之得其實建言近年守臣因賊屈  
 附抵法誅戮蓋忠義不脩莫為之勸顧二顏之裔曰惟致似賢皆為編戶  
 民若錄其詞顯白二顏事以動天下可不刑而化朝廷特官顏氏二子祀  
 明堂恩度支除京西轉運使邕州峒獠鈔二廣邊用不給君以所部羨錢  
 二十萬緡助之充三司度支判官至和元年五月初二日終于京師之祖

水樂大典卷二十四百一

十五

第年四十九夫人劉氏旌德縣君賢而有法舅曰涓大理寺丞曰澌注洞  
 皆太廟齋郎鴻汝及二女皆幼君曾祖而下葬開封府開封縣宰輔卿才  
 翁之歿汴無資產以為生請孤就養江南居潤州侍樞以行某年某月某  
 日葬於丹陽某鄉使人請銘某與才翁兄弟遊最久今皆已亡矣尚忍銘  
 哉初才翁少年欲以文詞進願還官就科試思與天下英豪角逐於筆研  
 間以力決勝不得如其意遠邊隅兵興夙講畫謀策要以術數剪屈夷  
 虜書屢上不見省用大臣如前丞相賈公丞相公故參知政事范公皆  
 持國秉刀推薦之終以序進志不得騁平居談辯唐數百年間喜稱魏鄭  
 公諫諍裴晉公德業李臨淮將兵衛公處邊事劉忠州通流財意韓退之  
 文章類此數人而已其議當世人物亦以之為標的於人少所稱許至有  
 同班列借出入漫不省記以是與者益少然准官當事定慮果決所至制  
 束強點敦尚風儀其為文不迹故陳自為高古雖所不與者亦不能掩也  
 君善草錄藏書數千卷皆手自雘校撰述奏御集十卷塞垣近事二卷奏  
 議三卷文集十卷課子舍治經史率有準程所以諸子皆積學有立銘曰  
 龍淵之器不投兕犀孰知其利志古豪英不任於權孰知其智負才自高  
 不屈於人與世或異先民之載德不必年賢不必位大江之南順卜之吉

知君內行爲詳來請銘其墓銘曰倚嗟道淵公侯之貴學由少成如性故有進匪世資以才自取處躬以約持心以厚五縣三州謀優績茂佐不配能勞而損壽孜孜孝誠養弗克究命也難謀名則不朽刻解幽堂以告永久

### 蘇伯起

宋魏鶴山大全集宋魏了翁作蘇伯起墓誌銘 予奉使潼川曰今春官貳卿度周鄉移書諭予曰子得人矣予正有友二人曰羅堅父傳之蘇伯起振文今堅父舉進士而蘇落落不偶聚書數萬卷壁經賢傳山經地志私乘野史以至虞初稗官旁行數落之書靡不搜羅後銘劉德脩嘗舉賢良方正科長沙吳得夫又以道逸薦于朝子其言之矣先是予銜命入竟首訪人物遂合人士多以蘇伯起馮仲新鼎重爲稱予首延致之皆楚岸人也伯起尤善談辯經訂史援據盡起坐人爲屈予嘗詰之曰晏子所謂儒者滑稽而不可軌法倨傲自順而不可以爲下子其近諸則捧腹大笑處數月而別予任玉朝以言事遠靖伯起遺予書曰吾於遂寧有宅一區竹萬箇大木十圍者百章漢流徑其間將爲甯歌終老之計請書其顏曰水竹莊有亭曰玩芳以故禮部侍郎曹公叔遠記示予大抵述其放於騷人幽憤之意予遠靖後溫尋故書自四經

三禮語孟以米摘精後萃探深抉異雖章句訓故名物度數悉加釀校往往有先賢未及發問爲人言或口吐目矜而伯起過我瀘上相與講切則率多領會予益知其用功之久方將勉以飲華就宵去艱深而趨平易反而驗諸負履實踐則庶不爲空言之歸而君以衰疾求去浩乎不可留蓋亦自知血氣之不可強別未數旬而卒實紹定六年九月戊申也未出梓州之銅山淳化參知政事易簡乃其九世祖自銅山徙合之銅梁今又徙遂寧之遂寧曾太父某太父王考某元配起氏朝散郎前知廣安軍林之女繼室以錢氏三子男曰堅石堅木文適文林郎知合州巴川縣事姚仲子端平元年十二月庚寅堅石兄弟葬君子龍門里先事使來乞銘曰尚死者之心也銘曰自鄉治廢而公道墜以科目之得失爲人才之輕重有如伯起抱珍蘊異而老不見用然則曹謂科目果可以選衆也龍門之峯姿其長終孰銘丘封太史了翁

## 永樂大典卷之二千四百一

重錄總校官侍郎臣高拱

學士臣瞿景淳

分校官洗馬臣林鐘

寫書官主簿臣沈滄

國監監生臣馬承志

臣吳敏